

太陽經中篇
胸痞證
陽明虛證

太陽壞病
陽明經上篇
少陽經上篇

太陽經下篇
陽明實證
少陽本病

太陽壞病結
陽明經下篇

傷寒懸解卷四

昌邑黃元御坤載著

太陽經中篇 五十六章

太陽壞病

太陽風寒有正治之法桂枝麻黃是也陽偏盛者恐異日之入陽明則有大青龍白虎湯早清其燥熱陰偏盛者恐異日之入三陰則有小青龍五苓散預去其濕寒處治不差病在太陽一經自當應藥而解不成壞病醫不知此實其實而虛其虛若汗若吐若下若溫鍼補瀉異施遂成壞病非復太陽本色矣壞病者即後日之陽明與三陰也陽盛而泄其陰則入陽明陰盛而亡其陽則入三陰桂枝麻黃之證變為元陽孤陰矣是以曰壞至於陽明候其府熱內實一下而愈猶為逆中之順然而府邪傷陰失於急下亦伏死機則順中之逆正自不少夫三陰陰盛陽負動搖危亡則逆居強半而順不十三仲景於是有救急之法隨證處治轉逆為從元通微妙良工心苦矣

太陽壞病提綱一 太陽五十四

桂枝麻黃太陽風寒主方也若至三日之久正將入陽明太陰之期業經汗下溫鍼而病仍不解則事當大壞未必猶在太陽即太陽未罷而亦未必尚屬太陽桂枝麻黃之證是宜審觀脈證另立新法故總立壞病之綱詳開救急之門也

太陽病三日已發汗若吐若下若溫鍼仍不解者此為壞病桂枝不中與也觀其脈證知犯何逆隨證治之太陽病治之得法當解於本經不至入府傳藏而成壞病若至三日之久已經發汗吐下溫鍼諸治而病不解則不在太陽定緣誤治入別經而成壞病當觀其脈證治其所犯何逆隨證治之曰壞病者非太陽之本病故也

壞病提綱二 太陽五十五

本發汗而復下之此為逆也若先發汗治不為逆先本下之而復汗之為逆若先下之治不為逆

申明上章逆字之義風寒外閉宜辛溫發散而不宜下燥熱內結宜苦寒攻下而不宜汗若表邪未解裏邪復盛則宜先汗而後下若裏邪急迫表邪輕微則宜先下而後汗錯則成逆矣若治法得宜先後不失不為逆也

太陽壞病入陽明去路 十五章

陽明從燥金化氣陽旺之人表鬱則燥動然不經誤治津液未耗燥氣之作何至遽盛及其汗下溫鍼傷津亡液燥氣大發經府合邪乃成下證難不如三陰之陰然陰虧陽亢亦伏危機未可率然也

太陽壞病入陽明桂枝證一 太陽五十六

太陽病先發汗不解而復下之脈浮者不愈浮為在外而反下之故令不愈今脈浮故知在外當須解外則愈桂枝湯主之

太陽病先發汗不解而復下之證內有府熱則下之當愈若使脈浮則表邪未解必不能愈以浮為邪在表通其外邪而反下之故令不愈當須解外則愈宜主桂枝也 此太陽表證未罷而內有府熱固當下也然必外解而後可下若發汗未解而反下之設脈猶見浮則外必不愈故仍以桂枝解外

發汗亡津證二 太陽五十七

大下之後復遽汗小便利者亡津液故也勿治之得小便利必自愈

膀胱者州都之官津液藏焉氣化則能出矣土濕金鬱氣不化水土濕木鬱不能行水皆令小便利不利小便利則小便利不利小便利則小便利不利之小便不利悉緣土濕而水停則小便之不利必因濕旺若汗下之後而見小便之不利是津液亡泄燥而非濕也然則無熱渴之證則其燥未甚勿用治之俟其津液續復得小便一利必自愈也汗下之後小便不利陽虛之人則陽亡而病濕陰虛之人則陰亡而傷燥此不見陽亡濕動之證故知是亡津傷燥也此亦人參白虎證而燥熱未作則病勢最輕故不須治之

麻杏甘石證三 太陽五十六

發汗後不可更行桂枝湯若汗出而喘無大熱者可與麻黃杏仁甘草石膏湯王之

汗後表寒未解鬱其肺氣熱蒸皮毛竅開而不能透泄故汗出而喘表得汗泄故外無大熱麻黃發表杏仁降逆石膏清金甘草培土則表裏俱解矣此亦大青龍證之輕者以在汗後故不用青龍汗後不可行桂枝亦大概言之他如發汗已解半日許復煩可更發汗宜桂枝湯未嘗必禁桂枝也

麻黃杏仁甘草石膏湯十七

麻黃四兩 杏仁五十枚 甘草二兩 石膏半斤

汗後作喘證四 太陽五十九

發汗後飲水多者必喘以水灌之亦喘

推原上章喘字之義汗出亡津液燥渴飲水飲水太多而汗出陽虛不能消散水停則肺氣壅遏故必喘以水灌之皮毛

外閉肺氣鬱阻故亦喘也

麻黃甘石證五 太陽六十一

下後不可更行桂枝湯若汗出而喘無太熱者可與麻黃杏仁甘草石膏主之

下後表寒未解鬱其肺氣肺鬱熱蒸發皮毛而不能透泄故汗出而喘表寒裏熱宜麻杏甘石雙解之可也

下後不可行桂枝亦大概言之他如傷寒醫下之續得下利清穀章救表宜桂枝湯又傷寒大下後復汗心下痞章解表

宜桂枝湯太陽病先發汗不解而復下之脈浮者不愈章當須解外則愈桂枝湯主之未嘗必禁桂枝也

人參白虎證六 太陽六十一

服桂枝湯大汗出後大煩渴不解脈洪大者白虎加人參湯主之 方在太陽

服桂枝湯後汗出表解而津液亡泄裏熱則增是宜白虎清裏而大汗之後大作煩渴而脈又洪大是亡津而氣亦泄也

津由氣化靈樞決氣上焦開發宣五穀味薰膚充身澤毛若霧露之溉是為氣此當益氣以生津故加人參素問評熱論

脈燥疾不為汗衰者死以精氣消亡無以滲灌其枯燥也白虎而加人參使清氣降灑化而為露滋潤枯涸滌洗煩燥莫

善於此矣

人參白虎證七 太陽六十二

傷寒若吐若下後七八日不解熱結在裏表裏俱熱時時惡風大渴舌上乾燥而煩欲飲水數升者白虎加人參湯主之 方在

太陽三十九

吐下之後氣奪津傷七八日不解燥熱內盛而自裏達表表裏俱熱熱蒸竅泄時時惡風舌上乾燥而心內焦煩欲飲水

數升之多主以人參白虎清金而泄熱化氣而生津也

表裏俱虛證八 太陽六十三

太陽病先下之而不愈因復發汗以此表裏俱虛其人因致胃胃家汗出則自愈所以然者汗出表和故也得裏未和然後

下之

太陽病先下之而不愈傷其陰液因復發汗傷其陽津表陽裏陰以此俱虛表陽虛則陰氣外束裏陰虛則陽氣內鬱陽

氣內鬱而不外達其人因致昏胃胃家汗出則自愈所以然者汗出則衛氣外達經脈和暢陰退而陽宣也表和之後得

裏未和然後下之

調胃承氣證九 太陽六十四

發汗後惡寒者虛故也不惡寒反惡熱者實也當和胃氣與調胃承氣湯方在陽明二十

陽虛之人汗則亡陽陰虛之人汗則亡陰汗後惡寒者氣泄而陽虛故也故防入少陰不惡寒反惡熱者津傷而陽實故也是已入陽明將成大承氣證宜早以調胃承氣和其胃氣預奪其實也

陰陽俱虛證十 太陽六十五

太陽病中風以火劫發汗邪風被火熱血氣流溢失其常度兩陽相熏灼其身發黃陽盛則欲衄陰虛則小便難陰陽俱虛竭身體則枯燥但頭汗出劑頸而還腹滿微喘口乾咽爛或不大便久則譫語甚者至噦手足躁擾捻衣摸牀小便利者其人可治

太陽中風以火劫發汗邪風一被火熱血氣流溢而失其常度外劫之火與內鬱之陽兩相熏灼其身發黃上之陽盛則欲衄下之陰虛則小便難陰液陽津俱至虛竭身體則枯燥不潤陽氣上燔但頭汗出劑頸而還裏氣膈鬱而為脹滿肺氣壅阻而為微喘火炎於上口乾而咽爛其時或不大便久則衄鬱其泄濁氣薰心而為譫語甚者胃氣衝逆而為噦或手足躁擾捻衣摸牀凡此諸證總以表裏壅遏熱無泄路故鬱悶憤煩亂如是宜以辛涼之藥變泄表裏若小便利者是陰氣未絕其人可治也 此證濕熱鬱蒸宜以麻黃石膏泄其表熱大黃芒硝泄其裏熱半夏生薑降其逆痞苓滑石滲其濕表裏雙清則神氣慧爽矣

火熱入胃證十一 太陽六十六

太陽病二日反躁反熨其背而大汗出火熱入胃胃中水竭躁煩必發譫語十餘日振慄自下利者此為欲解也故其汗從腰以下不得汗欲小便不得反嘔欲失溲足下惡風大便鞭小便當數而反不數及大便已頭卓然而痛其人足心必熱穀氣下流故也

太陽病皮毛被感表鬱為熱內尚無熱候其表熱傳胃日久失清乃見煩躁今二日之內方入陽明不應躁而反躁其胃陽素盛可知乃不用清涼反熨其背而大汗出火炎就燥邪熱入胃胃中水竭乃生煩躁燥熱薰心必發譫語若十餘日後微陰內復忽振慄而自下利則胃熱下泄此為欲解也方其熨背取汗火熱蒸騰上雖熱而下則寒故從腰下絕無汗意外寒鬱其內熱故膀胱閉澀欲小便而不得陽氣升泄不根於水膀胱無約時欲失溲如此則小便當數而反不數者津液耗也水枯則大便乾鞭便乾腸結胃氣不得下達故氣逆作嘔火熱上逆故足下逆冷而惡風寒及振慄下利大便

已行則穀氣宣暢四達頭痛而火從上散足熱而陽從下達胃中燥熱解散無餘緣穀氣以便通自下流故也便通而頭痛者如爐底壅塞火焰不升一通則火即上炎也

火邪圖血證十二

太陽六十七

太陽病以火薰之不得汗其人必躁到經不解必清血名為火邪

清與

太陽病當以汗解乃以火薰之又不得汗內熱愈增其人必躁到經盡之期當解而不解熱傷血分必當圖此名火邪也

火逆助邪證十三

太陽六十八

脈浮宜以汗解用火灸之邪無從出因火而感病從腰以下必重而痺名火逆也

脈浮宜以汗解乃以火灸之邪無從出因外火而更感病從腰以下必重濁而痺塞此名火逆

火逆吐血證十四

太陽六十九

脈浮熱甚反灸之此為實實以虛治因火而動故咽燥吐血

脈浮熱甚當汗之以泄其熱反灸之此為實症實症而用灸是實以虛治也內之實熱因外火而大動必傷陰氣故咽燥而吐血

而吐血

火邪內攻證十五

太陽七十

微數之脈慎不可灸因火為邪則為煩逆追虛逐實血散脉中火氣雖微內攻有力焦骨傷筋血難復也

微數之脈榮血虛虧慎不可灸誤灸而因火為邪則為煩躁而氣逆陰氣之已虛逐陽火之原實逆因令血散脉中耗亡失守一灸之火雖微而其煎熱內攻則甚有力焦骨傷筋目就枯槁榮血消鑠終難復舊也

太陽壞病入太陰去路

二十一章

太陰以濕土主令盛陰之人病在太陽表鬱則濕動然不經誤治則胃陽未虧濕氣之作猶俟漸成及夫汗下溫鍼陽亡

陰旺濕邪動興土敗水侮危證疊出防微杜漸之法不可不亟講也

太陽壞病入太陰五苓散證一

太陽七十一

太陽病發汗後大汗出胃中乾燥煩不得眠欲得飲水者少與之令胃氣和則愈

此太陽入陽明去路將成白虎證者

微消渴者五苓散主之

方在太陽四十一

發汗後陽盛之人陰亡土燥則入陽明而成白虎證陰盛之人陽亡土濕則入太陰而成五苓散如汗後胃中乾燥煩不

得眠欲得飲水此將來之人參白虎證也宜少少與飲以在大汗之後陽氣新虛也設燥熱已甚少水不救盛火則用白虎若燥熱未甚得少水和胃則煩渴自愈無事白虎也若汗後脉浮小便不利熱微消渴則太陰之象已見端倪宜以五苓燥土而行水蓋陽格於外表證未解是以脉浮濕動於內木氣不達是以小便不利木鬱風動耗傷肺津是以消渴此之消渴消少水而煩飲不能大消以其濕盛而熱微也

五苓散證二 太陽七十二

發汗已脉浮數煩渴者五苓散主之 方在太陽四十一

發汗已熱隨汗散乃脉見浮數而證見煩渴是汗出陽虛土濕而火升也蓋火秘陽壅全恃乎土陽亡濕動肺胃不降君火升炎故脉證如此宜以五苓燥土泄濕若未汗而見浮數煩之脉證則宜大青龍而不宜五苓矣

甘草乾薑證三 太陽七十三

傷寒脉浮自汗出小便數心煩微惡寒脚攣急反與桂枝湯欲攻其表此誤也得之便厥咽中乾燥煩吐逆者作甘草乾薑湯與之以復其陽若厥愈足溫者更作芍藥甘草湯與之其脚即伸若胃氣不和譫語者少與調胃承氣湯若重發汗復加燒鍼者四逆湯主之 方在太陽陰三

脉浮自汗裏熱外泄也小便數則大便必鞭心煩者胃熱之薰衝也陽明病雖得之一日惡寒將自罷即自汗出而惡熱

微惡寒者表未全解自汗雖出而未能遽發亦是調胃承氣證 陽明篇上太陽病若吐若下者發汗微煩小便數大便固

胃承氣湯 醫以脉浮自汗病在太陽中風證反與桂枝湯加附子而增桂枝以攻其表此大誤也得之汗多陽亡使手足

厥冷咽乾乾燥陽氣離根而生煩躁胃氣上逆而作吐嘔作甘草乾薑湯與之甘草培土而補中乾薑溫胃而降逆陽回

脉暖是以厥愈足溫其腳之變急緣其木燥而筋縮也更作芍藥甘草湯與之甘草舒筋而緩急芍藥清風而潤燥其腳

自伸若胃氣不和土燥譫語少與調胃承氣則胃氣調和矣桂枝發汗是為一逆若不以薑甘回陽而重發其汗或復加

燒鍼以大亡其陽是為再逆當速用四逆回陽薑甘加附子水土雙溫也

甘草乾薑湯 十八

甘草 四兩 乾薑 二兩

右咬咀以水三升煮取一升五合去滓分溫再服

芍藥 四兩 甘草 四兩

右咬咀以水三升煮取升半去滓分溫再服

問曰證象陽旦按治之而增劇厥逆咽中乾兩脰拘急而譫語師言夜半手足當溫兩足當伸法後如師言何以知之答曰寸口脈浮而大浮則為風大則為虛風則生微熱虛則兩脰攣病證象桂枝因加附子參其間增桂令汗出附子溫經亡陽故也厥逆咽中乾煩躁陽明內結譫語煩亂更飲甘草乾薑湯夜半陽氣還兩足當溫脰尚微拘急重與甘草芍藥湯兩脰乃伸以承氣湯微瀉則止其譫語故知病可愈

此復述上章設為問答證象陽且即證象桂枝之互文

陽旦證在耳可與陽旦湯林億以為即桂枝湯按證是桂枝湯

寸口脈浮而大，則為芤芤則為虛也。風則生其微熱虛則兩脰掣急病與桂枝湯證形象符合而

熱微足變又似陽虛因增桂枝而加附子以發其表附子溫經汗多亡陽是以嚴逆咽乾而生煩躁汗出津枯胃脘燥結

是以譟語煩亂不知寸口脉浮大是陽明之裏實陽明篇大便秘者脉浮而鉅者陽明病傳裏三日陽明脉大三陽合病脉浮而大而非太陽之表虛誤以桂附

發汗重亡其陽裏實變而為裏虛更飲甘草乾薑湯回足溫重與芍藥甘草湯即脛伸少與調胃承氣變結裏為微溏止

其讞語藥法精應手愈矣何不可知之有前嘉言誤會陽旦除旦二湯謂桂枝加黃芩為陽旦湯仲景即行桂枝之法

不增桂枝令其出更加附子溫經不悖陽旦陰旦之名荒唐怪誕所謂不知而妄作也

汗後吐逆證五

發汗後水藥不得入口為逆若更發汗必吐下不止

汗出陽泄土敗胃逆水藥不得入口是謂逆治若更發汗陽敗土崩太陰吐利之證必將俱作無有止期矣

汗後吐逆證六

病人脉數者熱當消穀引食而反吐者此以發汗令陽氣微膈氣虛脉乃數也數為客熱不能消穀以胃中虛冷故吐也

陰陽互根陽虛脫根升浮於上是以脈數數為客熱升浮不能消化水穀故作嘔吐緣其陽亡而胃中虛冷也

吐後生煩證七

太陽病吐之但太陽病當惡寒今反不惡寒不欬近衣此為吐之內煩也

太陽病傷寒中風表邪外聞榮衛不達當見惡寒吐傷胃氣裏陽上逆外達皮毛故反不惡寒而欲去衣被此為吐之令

陽火離根而內煩故也

吐後作吐證八 太陽七十八

太陽病惡寒發熱今身自汗出不惡寒發熱關上脉細數者以醫吐之過也一二日吐之者腹中肌口不能食三四日吐之者不喜糜粥欲食冷食朝食暮吐以醫吐之所致也此為小逆

吐傷胃陽虛浮無根故關脉細數一二日胃病尚淺吐則傷輕胃中虛發故饑而胃氣上升故不能食三四日胃病頗深吐則傷重陽火虛浮故不喜糜粥欲食冷食而胃中虛冷不能化穀故朝食暮吐此過吐傷胃是謂小逆遲則微陽續復逆氣乃下也汗吐下溫鍼諸逆之中惟吐為輕凡胸腹之內腐敗壅塞膈真陽凝鬱悶懷煩頭痛心煩吐之清氣通暢即刻輕安最妙之法也即吐之過當中心虛內煩亦無汗下亡陽諸禍一溫中氣虛煩立止最易治療故曰小逆也

身痛下利證九 太陽七十九

傷寒醫下之續得下利清穀不止身疼痛者急當救裏後身疼痛清便自調者急當救表救裏宜四逆湯五太救表宜桂枝湯五太

傷寒表病下之敗其裏陽續得下利清穀不止已成太陰自利而身體疼痛表證未解是表裏皆病然急當救裏不暇及表也救裏之後利止便調然後表之身疼痛者急當救之蓋表邪不解恐裏陰復鬱而生寒故救之宜急救裏宜四逆以溫中救表宜桂枝以解外傷寒而不用麻黃者裏陽既虛不敢過汗也此與太陰下利脈微滿聲微此五文救表即攻表即發表

新加湯證十 太陽八十

發汗後身疼痛脉沉遲者桂枝加芍藥生薑各一兩人參三兩新加湯主之

汗泄血中溫氣陽虛肝陷故脉沉遲經脉凝滯風水鬱遏故身疼痛新加湯甘草補其脾精桂枝達其肝氣芍藥清風木之燥生薑行經絡之瘀人參補肝脾之陽以溫榮血而充經脉也

新加湯二十

桂枝兩甘草二兩 大棗十二芍藥四生薑四人參三兩 於桂枝湯內加芍藥生薑各一兩人參三兩餘依前法

葛根連芩證十一 太陽八十一

太陽病桂枝證

太陽病桂枝證有表邪而無裏邪醫反下之敗其中氣利遂不止此當溫裏若脉促者是表未解也蓋病在經絡不解表而攻裏表陽乘裏虛而內陷為裏陰所拒不得下達表裏未達故見促象脈來微喘曰促若喘而汗出者是胃氣上逆肺阻

而為喘肺鬱生熱氣蒸而為汗也雖內有四逆證外有桂枝證而熱在胸膈二方俱不能受宜葛根連芩湯王之葛根連
陽明之鬱芩連清君相之火胸膈肅清然後中下之寒徐可議溫也 桂枝證解表而用葛根以喘而汗出胸膈鬱宜
葛根之辛涼不宜桂枝之辛溫也

葛根黃連黃芩湯 二十一

葛根^{二兩}黃連^{二兩}黃芩^{二兩}甘草^{二兩} 右四味以水八升先煮葛根減二升入諸藥煮取二升去滓分溫再服

桂枝去芍藥證十二 太陽八十二

太陽病下之後脈促胸滿者桂枝去芍藥湯主之

下後脈促表邪未解是宜桂枝而益以胸滿則陽衰胃逆濁氣衝塞去芍藥之酸寒以解表邪若微惡寒者則不止脾陽
之虛而腎陽亦敗加附子之辛溫以驅裏寒也

桂枝去芍藥湯 二十二

桂枝^{二兩}甘草^{二兩}生薑^{三兩}大棗^{十二枚} 於桂枝方內去芍藥餘依前法

桂枝去芍藥加附子湯 二十三

桂枝^{三兩}甘草^{二兩}大棗^{十二枚}生薑^{三兩}附子^{一枚} 於桂枝湯方內去芍藥加附子一枚去皮破八片餘依前法

桂枝厚朴杏子證十三 太陽八十三

太陽病下之微喘者表未解故也桂枝加厚朴杏子湯主之

表病而攻其裏裏陰上逆而表邪未解肺氣鬱阻是以發喘桂枝加厚朴杏子降衝逆而破壅塞也

桂枝加厚朴杏子湯 二十四

桂枝^{二兩}芍藥^{二兩}甘草^{二兩}大棗^{十二枚}生薑^{三兩}厚朴^{二兩}杏仁^{五十枚} 於桂枝湯方內加厚朴二兩杏仁五十枚餘依前法

桂枝厚朴杏子證十四 太陽八十四

喘家作桂枝湯加厚朴杏子仁

平素喘家胃逆肺阻作桂枝湯解表宜加朴杏降逆而破壅也

桂枝去桂加茯苓白朮證十五 太陽八十五

服桂枝湯或下之仍頭項強痛翕翕發熱無汗心下滿微痛小便利者桂枝去桂加茯苓白朮湯主之

服桂枝湯後或又下之仍復頭項強痛發熱無汗甚似表證未解而加以心下滿痛小便不利是非風邪之外來實緣濕邪之內動也蓋土虛濕旺脾陷而肝鬱不能泄水故小便不利胃逆而膽鬱不能降濁故心下滿痛濁氣衝塞頭痛發熱桂枝去桂枝之解表加茯苓白朮泄濕而燥土也

桂枝去桂加茯苓白朮湯二十五

芍藥二兩甘草二兩大棗十二枚生薑三兩茯苓三兩白朮一兩

於桂枝湯內去桂枝加茯苓白朮各三兩餘依前法煎服小便利則愈

厚朴薑夏參甘證十六 太陽八十六

發汗後腹脹滿者厚朴生薑甘草半夏人參湯主之

胃不偏燥脾不偏濕脾升胃降中氣轉運胸腹冲和故不脹滿汗泄中氣陽虛濕旺樞軸不運脾陷胃逆則生脹滿厚朴生薑甘草半夏人參湯人參甘草補中而扶陽朴夏生薑降濁而行鬱也

厚朴生薑甘草半夏人參湯二十六

厚朴一斤生薑一斤甘草二兩半夏半斤人參一兩 右五味以水一斗煮取三升去滓溫服一升日三服

厚朴生薑甘草半夏人參湯二十七 太陽八十七

傷寒下後心煩腹滿卧起不安者梔子厚朴湯主之

下傷中氣樞軸不運是以腹滿陽明上逆濁陰不降腐則壅塞宮城不清是以心煩煩極則卧起不安梔子厚朴湯厚朴枳實泄滿而降逆梔子吐濁瘀而除煩也

梔子厚朴湯二十七

梔子十四枚厚朴四兩枳實四枚水浸以上三味以水二升半煮取一升半去滓分二服溫進一服得吐者止後服

梔子乾薑證十八 太陽八十八

傷寒醫以丸藥大下之身熱不去微煩者梔子乾薑湯主之

大下敗其中氣濁陰上逆瘀生腐敗阻格君火不得下行故身熱而心煩梔子乾薑湯乾薑降逆而溫中梔子吐瘀而降煩也

梔子乾薑湯二十八

梔子十四枚乾薑二兩 右二味以水三升半煮取升半去滓分三服溫進一服得吐者止後服

梔子香豉證十九 太陽八十九

發汗若下之而煩熱胸中窒者梔子豉湯主之

汗下敗其中氣胃土上逆濁氣填瘵君火不得下行故心宮煩熱胸中窒塞梔子豉湯香豉調中氣而開窒塞梔子吐濁瘵而除煩熱也

梔子豉湯二十九

梔子枚十二香豉四兩右二味以水四升先煮梔子得二升半內豉煮取一升半去滓分二服溫進一服得吐者止後服

梔子香豉證二十 太陽九十

發汗吐下後虛煩不得眠若劇者反覆顛倒心中懊懷者梔子豉湯主之若少氣者梔子甘草豉湯主之若嘔者梔子生薑豉湯主之

發汗吐下土敗胃逆君火不降故虛煩不得卧眠劇則陳腐填塞濁氣薰心故反覆顛倒心中懊懷梔子豉湯吐其痰濁則陽降而煩止矣若少氣者加甘草以益氣若嘔者加生薑以止逆也

梔子甘草豉湯三十

梔子枚十四香豉四兩甘草二兩於梔子豉湯內加甘草二兩餘依前法得吐者止後服

梔子生薑豉湯三十一

梔子枚十二香豉四兩生薑五兩於梔子豉湯加入生薑五兩餘依前法得吐止後服

梔子證二十一 太陽九十一

凡用梔子湯病人舊微瀉者不可與服之

梔子苦寒之性泄脾胃而滑大腸凡用梔子諸湯設病人舊目脾陽素虛大便微瀉者不可與服也

太陽壞病入少陰去路十七章

少陰以寒水而化君火平人水火交則腎水温陰盛之人水旺火衰腎氣原寒病在太陽表陽外鬱內寒已動一有汗下溫鍼之逆陽亡土敗寒水無制水邪泛溢死不旋踵扶陽明而抑少陰良工當思患而預防也

太陽壞病入少陰桂枝附子證一 太陽九十二

太陽病發汗遂漏不止其人惡風小便難四肢微急難以屈伸者桂枝加附子湯主之

衛陽汗泄皮毛失斂是以汗漏不止表虛是以惡風汗亡血中溫氣水鬱不能行水是以小便難陽亡土敗不能溫養四肢是以四肢微急難以屈伸腎主五液入心為汗腎氣者諸陽之本汗漏不止則腎中陽根泄而不藏桂枝加附子湯桂枝連肝木之鬱陷芍藥斂風氣之疏泄薑甘大棗補脾精而和中氣附子煖腎水以益陽根也

桂枝加附子湯 三十二

桂枝 兩 芍藥 兩 甘草 兩 大棗 十三 附子 一枚 破八片 生薑 三

於桂枝湯內加附子一枚破八片餘依前法

芍藥甘草附子證二 太陽九十三

發汗病不解反惡寒者虛故也芍藥甘草附子湯主之

汗泄血中溫氣水鬱陽陷故表病不解而反加惡寒芍藥甘草附子湯芍藥清風而斂榮血甘草培土而榮水氣附子煖水以補溫氣也

芍藥甘草附子湯 三十三

芍藥 三兩 甘草 三兩 附子 一枚 破八片

以上三味以水五升煮取一升五合去滓溫服

內外俱虛證三 太陽九十四

下之後復發汗必振寒脈微細所以然者以內外俱虛故也

申明上章惡寒之義汗下亡陽必身體振寒而經脈細微所以然者以下傷其內汗泄其外內外之陽俱虛故也

苓桂朮甘證四 太陽九十五

傷寒若吐若下後心下逆滿氣上衝胸起則頭眩脈沉緊發汗則動經身為振振搖者茯苓桂枝白朮甘草湯主之

吐傷胃陽則病上逆濁氣衝塞故心下逆滿陽氣浮升而無根故起則頭眩下泄脾陽則病下陷風木抑鬱故脈沉緊水愈鬱則愈升升發太過而不得平故氣上衝胸又復發汗以亡經中之陽溫氣脫泄木枯風動於是身體振搖勢如懸旌此緣於水旺土濕而風木鬱動也苓桂朮甘湯苓朮泄水桂枝疏木而甘草補中也

茯苓白朮桂枝甘草湯 三十四

茯苓 四兩 甘草 三兩 桂枝 三兩 白朮 二兩

真武湯證五 太陽九十六

右四味以水六升煮取三升去滓分溫三服

太陽病發汗汗出不解其人仍發熱心下悸頭眩身瞤動振振欲擗地者真武湯主之 方在少陰十九

陽虛之人發汗過多土敗陽飛則頭目眩暈風木動搖則心悸肉瞤蓋木生於水而長於土水寒土濕木鬱風生是以悸動根本搖撼則悸在臍間枝葉振搖則悸在心下振振欲擗地者風動神搖欲穴地以自安也木鬱風動原於土濕而水寒真武湯生薑降濁而止嘔茯苓泄水而燥土芍藥清風而安振搖附子溫腎水以培陽根也真武湯治少陰病內有水氣腹痛下利小便不利四

桂枝甘草湯證 太陽九十七

發汗過多其人又手自冒心心中悸欲得按者桂枝甘草湯主之

汗亡心液火泄神虛故又手自冒其心冒者汗多陽亡溫氣泄脫風木不寧而土敗胃逆濁氣填塞風木上行升路鬱阻故心下動悸欲得手按以寧神字桂枝甘草湯桂枝疏水而安動搖甘草補土以培根本也

桂枝甘草湯 三十五

桂枝四甘草二兩 右二味以水二升煮取一升去滓頓服

陽虛耳聾證七 太陽九十八

未持脈時病人叉手自冒心師因教試令欬而不欬者此必兩耳聾無聞也所以然者以重發汗虛故如此

五藏陰也陰中有陽清陽升發開竅五官濁陰下降七竅靈敏故能聞見汗傷中氣肝脾不升肺胃不降清陽下陷濁陰上逆濁氣埋塞聽官障蔽是以耳聾也

身重心悸證八 太陽九十九

脈浮數者法當汗出而愈若下之身重心悸者不可發汗若自汗出解所以然者尺中脈微此裏虛乃須表裏實津液自和便自汗出愈

浮數之脈當以汗解設在下後而見身重心悸之證雖有浮數之脈不可發汗當使其汗自出乃愈蓋水旺土濕則身體重濁木鬱風生則心中悸動以其傷肝脾之陽故也所以然者寸口雖見浮數而尺中則脈微弱寸口主表尺中主裏寸口浮數雖為表實而尺脈微弱則為裏虛須裏氣漸復表裏俱實則裏氣內拒表氣外發邪無內陷之慮便自汗出而愈醫家於此貴有實裏解表之法雖汗出而無虛虛之嫌則以人巧而代天工矣

桂苓甘草證九 太陽一百

發汗後其人臍下悸者欲作奔豚茯苓甘草太棗湯主之

汗亡血中溫氣風木鬱動是以振悸枝葉不寧則悸在心下根本不安則悸在臍間臍下振悸根本撼搖則奔豚欲作矣
奔豚者風木奔騰狀如驚豚上衝胸膈及乎咽喉腹脇心首諸病皆作喘呼閉塞七竅火生病勢凶惡莫此為劇仲景扁
鵲以為腎邪也仲景云此病上暴者腎氣動也高龍經腎之精曰奔豚其實是肝氣蓋木氣奔衝原於陽亡而水寒也苓桂甘草大棗補脾精而滋肝血也
水而疏乙木甘草大棗補脾精而滋肝血也

茯苓桂枝甘草大棗湯三十六

茯苓半斤桂枝四兩甘草二兩大棗十二枚

又作甘瀾水法取水二升置大盆內以杓揚之水上珠子五六千顆相逐取用之

桂枝加桂證十太陽一百一

燒鍼令其汗鍼處被寒核起而赤者必發奔豚氣從少腹上衝心者灸其核上各一壯與桂枝加桂湯更加桂二兩

汗後陽虛脾陷木氣不舒一被外寒閉其鍼孔風木鬱動必發奔豚若氣從少腹上衝心胸便是奔豚發作宜先灸其核

上各一壯散其外寒即以桂枝加桂湯更加桂枝以疏風木而降奔豚也桂枝加桂者於桂枝也

桂枝加桂湯三十七

桂枝五兩芍藥三兩甘草二兩大棗十二枚生薑三兩

於桂枝湯內更加桂枝二兩共五兩餘依前法

桂枝加桂證十一太陽一百二

太陽病下之後其氣上衝者可與桂枝湯用前法若不上衝者不可與之

下後其氣上衝是奔豚發作也可與桂枝湯用如前法疏風木而降奔衝若不上衝者奔豚未作不可與前湯也

桂枝去芍藥加蜀漆龍骨牡蠣證十二太陽一百三

傷寒脈浮醫以火迫劫之亡陽必驚狂起卧不安者桂枝湯去芍藥加蜀漆龍骨牡蠣救逆湯主之

汗多亡陽君火飛騰神魂失歸是以驚生濁氣上逆化生敗腐迷失心宮是以狂作桂枝加蜀漆龍骨牡蠣湯桂枝甘草

疏木而培中生薑大棗補脾而降逆蜀漆吐腐瘰而癢狂龍骨牡蠣斂神魂而止驚也

桂枝去芍藥加蜀漆龍骨牡蠣湯三十八

桂枝三兩甘草二兩大棗十二枚生薑五兩蜀漆三兩龍骨四兩牡蠣五兩

煮取三升去滓溫服一升

右為末以水一斗二升先煮蜀漆減二升內諸藥

溫鍼亡陽證十三 太陽一百四

太陽傷寒者加溫鍼必驚也

溫鍼發汗亡陽土敗胃逆神魂無歸必生驚悸也

桂枝甘草龍骨牡蠣證十四 太陽一百五

火逆下之因燒鍼煩躁者桂枝甘草龍骨牡蠣湯主之

火剋發汗是為火逆火逆之證下之亡其裏陽又復燒鍼發汗亡其表陽神氣離根因而煩躁不安桂枝甘草龍骨牡蠣

湯桂枝甘草疏乙木而培中脫龍骨牡蠣斂神氣而除煩躁也

桂枝甘草龍骨牡蠣湯三十九

桂枝兩甘草二龍骨二牡蠣三 右為末以水五升煮取二升半去滓溫服八合日三服

茯苓四逆證十五 太陽一百六

發汗若下之病仍不解煩躁者茯苓四逆湯主之

汗下亡陽土敗水侮陽氣拔根擾亂無歸故生煩躁茯苓四逆湯茯苓參甘泄水而補土乾薑附子溫脾而煖腎也

茯苓四逆湯四十

茯苓六兩人參兩甘草二兩乾薑兩附子一枚 右五味以水五升煮取二升去滓溫服七合日三服

乾薑附子證十六 太陽一百七

下之後復發汗晝日煩躁不得眠夜而安靜不嘔不渴無表證脈微沉身無大熱者乾薑附子湯主之

汗下亡陽土敗水侮微陽拔根不得下必故晝日煩躁不得眠夜而陽氣歸根是以安靜溫氣脫泄乙木鬱陷故脈象沉

微而身無大熱乾薑附子湯乾薑溫中以回脾胃之陽附子溫下以復肝腎之陽也

乾薑附子湯四十一

乾薑兩附子一枚生用去 右二味以水三升煮取一升去滓頓服

禹餘糧證十七 太陽一百八

汗家重發汗必恍惚心亂小便已陰痛與禹餘糧凡力調

素汗家液亡神虛重發其汗陽亡神敗必恍惚心亂濕動木鬱小便後陰痛以木鬱於水疏泄不暢便後滯氣凝澀故尿

孔作痛滿餘糧斂陽神於陰精蟄君火而達風木也

太陽壞病入厥陰去路一章

厥陰以風木主令陰盛之人病在太陽木鬱將發一有汗下溫鍼之道陽敗水寒乙木失溫生氣不遂厥陰之病相繼作矣

太陽壞病入厥陰胃冷吐蛇證一 太陽一百九

病人有寒復發汗胃中冷必吐蛇

藏府素有積寒復發汗以亡胃陽胃冷不能安蛇必吐蛇蟲因木化厥陰木鬱則生蛇蟲素問厥陰者陰之純陽厥陰以至陰之藏寒極吐蛇則水騰而火不能復中伏死機是以內外感傷諸病一見吐蛇便屬險證陽絕則死陽復則生惟溫病吐蛇是熱非寒與餘證不同也

傷寒懸解卷五

太陽經下篇二十五章

太陽壞病結胸痞證

太陽之病不解於太陽而入陽明之府太陰之藏寒熱之偏勝危機伏藏是皆太陽之壞病也然悠悠忽失治雖表傳裏候其入於陽明而用承氣入於太陰而用四逆猶有救壞之方至於未成陽明下早而為結胸將成太陰誤下而為痞則陽明不成為陽明太陰不成為太陰承氣四逆方俱不可用是為壞中之壞莫可救挽者也仲景於此變承氣四逆而為陷胸瀉心法挽逆為順至德神功無以如矣

太陽壞病結胸痞證提綱一 太陽一百十

病發於陽者多入陽明而為熱病發於陰者多入太陰而為寒病發於陽俟其表證已解內熱既實而用下乃不為早下早則表陽陷而為結胸此陽明之壞病也病發於陰始終不可用下誤下則裏陰升而為痞此太陰之壞病也病發於陽而反下之熱入因作結胸發於陰而反下之因作痞所以成結胸者以下之太早故也

承病有發熱惡寒者發於陽也無熱惡寒者發於陰也 在太陽病發於陽風傷衛也風傷衛氣遏遏滯血而生內熱藏陰

衰者多傳於陽明當其經熱方盛法宜解表俟至表熱傳胃乃可攻下邪之內傳府熱未成胸熱先作以陽盛於上也熱未入府下之若早中氣受傷升降倒置胃土上逆膽木不得下行君相合邪刑剋肺金肺熱愈隆而皮毛不泄經絡之熱遂內入胸膈經府之氣兩相拒格硬滿作痛是為結胸病發於陰寒傷榮也寒傷榮血束閉衛氣而生外寒府陽弱者多